

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

মঙ্গলবার, এপ্রিল ২, ২০১৯

গণপ্রজাতন্ত্রী বাংলাদেশ সরকার
মন্ত্রিপরিষদ বিভাগ

প্রজ্ঞাপন

ঢাকা, ১৯ চৈত্র ১৪২৫/০২ এপ্রিল ২০১৯

নম্বর: ০৪.০০.০০০০.৪২১.৬২.০২২.১৯.০৯৭—গত ২৮ মার্চ ২০১৯ তারিখ দুপুরে রাজধানীর বনানীতে অবস্থিত এফ আর টাওয়ারে ভয়াবহ অগ্নিদুর্ঘটনায় ২৬ জন নিহত এবং ১৩০ জন আহত হন। উক্ত অগ্নিদুর্ঘটনার পর মাননীয় প্রধানমন্ত্রী শেখ হাসিনার সার্বক্ষণিক ও সার্বিক দিক-নির্দেশনায় তাৎক্ষণিকভাবে সফলতার সঙ্গে অগ্নিনির্বাপণ ও সর্বাঙ্গিক উদ্ধার কার্যক্রম, নিহত ব্যক্তিদের লাশ স্বজনদের কাছে হস্তান্তর এবং আহত ব্যক্তিদের যথাযথ চিকিৎসাসেবা প্রদানের প্রয়োজনীয় ব্যবস্থা গ্রহণ করা হয়।

২। এ মর্মান্তিক অগ্নিদুর্ঘটনায় নিহতদের জন্য গভীর শোক ও দুঃখ প্রকাশ ও তাঁদের আত্মার মাগফেরাত কামনা করে, সকল নিহত ব্যক্তির শোকসন্তপ্ত পরিবারের সদস্যদের প্রতি গভীর সমবেদনা জানিয়ে এবং পরম করুণাময় আল্লাহতায়ালার যেন তাঁদেরকে শোক বহন করার ক্ষমতা প্রদান করেন ও আহত ব্যক্তিগণ যাতে দ্রুত আরোগ্য লাভ করেন, সে প্রার্থনা করে মন্ত্রিসভার ১৮ চৈত্র ১৪২৫/০১ এপ্রিল ২০১৯ তারিখের বৈঠকে একটি প্রস্তাব গ্রহণ করা হয়।

৩। অগ্নিদুর্ঘটনার অব্যবহিত পর ফায়ার সার্ভিস ও সিভিল ডিফেন্সসহ ঢাকা বিভাগের কমিশনার ও ঢাকার জেলা প্রশাসক এবং সশস্ত্র বাহিনী, পুলিশ ও র্যাবসহ সরকারের বিভিন্ন সংস্থার সদস্যগণ সমন্বিতভাবে অগ্নিনির্বাপণ ও সর্বাঙ্গিক উদ্ধার কার্যক্রম পরিচালনা, নিহত ব্যক্তিদের লাশ স্বজনদের কাছে হস্তান্তর এবং আহত ব্যক্তিদের যথাযথ চিকিৎসাসেবা প্রদানে তৎপর হন। নিষ্ঠা, দক্ষতা ও পেশাদারিত্বের সঙ্গে সফলভাবে অগ্নিনির্বাপণ এবং উদ্ধার তৎপরতা পরিচালনার জন্য মন্ত্রিসভার একই বৈঠকে ফায়ার সার্ভিস ও সিভিল ডিফেন্স কর্তৃপক্ষকে এবং বাংলাদেশ সরকারের অন্যান্য সংস্থার সদস্যগণকেও ধন্যবাদ জানানো হয়।

৪। মন্ত্রিসভার বৈঠকে গৃহীত উক্ত শোকপ্রস্তাব সকলের অবগতির জন্য প্রকাশ করা হলো।

রাষ্ট্রপতির আদেশক্রমে,

মোহাম্মদ শফিউল আলম
মন্ত্রিপরিষদ সচিব

(১৪১৮১)

মূল্য : টাকা ৪.০০

মন্ত্রিসভার শোকপ্রস্তাব

১৮ চৈত্র ১৪২৫
ঢাকা: ০১ এপ্রিল ২০১৯

গত ২৮ মার্চ ২০১৯ তারিখ দুপুরে রাজধানীর বনানীতে অবস্থিত এফ আর টাওয়ারে ভয়াবহ অগ্নিদুর্ঘটনায় ২৬ জন নিহত এবং ১৩০ জন আহত হন। উক্ত অগ্নিদুর্ঘটনার পর মাননীয় প্রধানমন্ত্রী শেখ হাসিনার সার্বক্ষণিক ও সার্বিক দিক-নির্দেশনায় তাৎক্ষণিকভাবে সফলতার সঙ্গে অগ্নিনির্বাণ ও সর্বাঙ্গিক উদ্ধার কার্যক্রম, নিহত ব্যক্তিদের লাশ স্বজনদের কাছে হস্তান্তর এবং আহত ব্যক্তিদের যথাযথ চিকিৎসাসেবা প্রদানের প্রয়োজনীয় ব্যবস্থা গ্রহণ করা হয়।

অনাকাঙ্ক্ষিত এই অগ্নিদুর্ঘটনায় জাতি গভীরভাবে শোকাহত। দেশবাসীর সঙ্গে মন্ত্রিসভা এ মর্মান্তিক অগ্নিদুর্ঘটনায় নিহতদের জন্য গভীর শোক ও দুঃখ প্রকাশ করে তাঁদের আত্মার মাগফেরাত কামনা করছে। মন্ত্রিসভা সকল নিহত ব্যক্তির শোকসন্তপ্ত পরিবারের সদস্যদের প্রতি গভীর সমবেদনা জানাচ্ছে ও পরম করুণাময় আল্লাহতায়লা যেন তাঁদেরকে শোক বহন করার ক্ষমতা প্রদান করেন এবং আহত ব্যক্তিগণ যাতে দ্রুত আরোগ্য লাভ করেন, সে প্রার্থনা করছে।

অগ্নিদুর্ঘটনার অব্যবহিত পর ফায়ার সার্ভিস ও সিভিল ডিফেন্সসহ ঢাকা বিভাগের কমিশনার ও ঢাকার জেলা প্রশাসক এবং সশস্ত্র বাহিনী, পুলিশ ও র্যাবসহ সরকারের বিভিন্ন সংস্থার সদস্যগণ সমন্বিতভাবে অগ্নিনির্বাণ ও সর্বাঙ্গিক উদ্ধার কার্যক্রম পরিচালনা, নিহত ব্যক্তিদের লাশ স্বজনদের কাছে হস্তান্তর এবং আহত ব্যক্তিদের যথাযথ চিকিৎসাসেবা প্রদানে তৎপর হন। মন্ত্রিসভা নিষ্ঠা, দক্ষতা ও পেশাদারিত্বের সঙ্গে সফলভাবে অগ্নিনির্বাণ এবং উদ্ধার তৎপরতা পরিচালনার জন্য ফায়ার সার্ভিস ও সিভিল ডিফেন্স কর্তৃপক্ষকে ধন্যবাদ জ্ঞাপন করে। এছাড়া মন্ত্রিসভা বাংলাদেশ সরকারের অন্যান্য সংস্থার সদস্যগণকেও ধন্যবাদ জানায়।

মোঃ তারিকুল ইসলাম খান, উপপরিচালক, বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।

মোঃ আব্দুল মালেক, উপপরিচালক, বাংলাদেশ ফরম ও প্রকাশনা অফিস, তেজগাঁও,

ঢাকা কর্তৃক প্রকাশিত। website : www.bgpress.gov.bd